

湘綺樓全集

湘綺樓箋啟目錄七卷

目錄八

長沙湘潭王閻運字壬父著

目錄七卷

龐巡撫一啟 馬縣丞一啟 端尙書七啟 樊藩  
臺六啟 張署府一啟 朱道臺一啟 蔡郎中一  
啟 唐知府一啟 胡吏部一啟 莊臬臺二啟  
鑛局協辦九啟

目錄八卷

夏巡撫四啟 陳道臺一啟 陳知縣一啟 宋道  
臺一啟 程知府一啟 陳巡檢一啟 程郎中一

啟 曹參議二啟 朱藩臺一啟 任知縣一啟  
秦提督二啟

湘綺樓箋啟八終

目錄八終

湘綺箋啟卷第七

長沙湘潭王閻運字壬父著

致龐巡撫

渠菴侍郎使公節下因游九疑親見衡永水災巡道告  
振明公施仁銀粟沛然萬民感戴復蒙朝廷頒帑巨萬  
出水登席皆公賜也但湘省阻境已成積習鄉市閉糶  
難可理喻今公私積粟大半漂損下戶得賑商士乏食  
不患無錢而苦無穀上游四郡並乞省倉半歲之糧將  
何以給閻運不揣冒昧已電請督部乞糶米五萬石減  
糶得銀仍由湘省往下游採辦如此一周轉每月可來

米數萬石鄉穀自出民食有資想督部必有咨詢尙乞  
主持酌辦芻蕘之言仁政有取謹鈔電呈上恭頌鈞安  
致馬縣丞

少雲仁兄父臺惠覽昨得賜緘兼頒方物比卽附片肅  
謝未克詳陳伏諗禹莢暢行將開新岸綜理詳安商民  
咸便卽看倚重藉慰公私幸甚幸甚弟陝游習勞幸託  
遙芘還山度歲旋值衡書二月初旬尙當重至東洲冀  
可把晤茲有族子王秋江頻執推役聞新局勘始欣願  
效勞且須早至故遣先謁尙乞錄用爲望餘俟面敘恕  
不縷及順頌雙安惟警鑒不具

致端尙書

陶齋尙書使公節下十四日得行臺電問實惠百朋仙  
侶同舟吳彎銷夏李梅之福非野妄所敢希也荷公念  
問已如賜冰不抱不飲撲塵三斗思所以報惟有書畫  
鎮江丁氏舊多藏弃茲因貧儉物將擇主政暇甄覽儻  
有賞心量宜予價可空羣馬茲因陳善餘慶年齋呈鑒  
定便可居閒閨運因避船山遂同徐孺將乘秋水復作  
李膺相見之期待公還督小暑少涼謹上一啟敬頌暑  
安不具

再啟者武陵陳銳字伯弢秋士多悲文詞秀逸三試不

第作令江南權稅高郵化雅爲俗如幕府欲工作記倘在翩翩之選或者待以吳質出宰元城他日得從袁海之後則公誠大芘寒士矣

陶齋尙書使公節下自公移鎮閩運日增光寵戶外屨滿篋中書積米十日已三上書矣韓退之以三上書而損名蘇秦以十上書而金盡公將何以益我乎復心次子仲馴前月到洪言公令出洋爲小兒所勸沮懼孤盛意歸咎於我閩運今留讀書想亦有師範可學輒以奉聞郭筠仙兵左不識曾相見否海外以爲新學之宗閩運舊學之師友也其孫爲劉坤一所誤冒昧報捐道員

適隸宇下前政派充沙田委員新又有鎮江定亂之功  
想能推愛儲胥加之拂拭或爲予畱當塗令霑甯利則  
局面較闊戴德尤闔閭運例無暑假日日到堂頗爲委  
員所嫌幸去日無多少縱逝矣秋風容易公當占我於  
衡山雲下手此奉託敬頌鈞安唯鑒不莊

陶齋尙書使公節下開印班春伏維錫福下民仰望知  
慰巖阿三王四胡湘中舊彥今皆退處且凋其二惟女  
壻胡元玉曾事次公太文不俗未參曾熙郭立山又舍  
舊維新眾士所怪或者卅局襄辦本用潭人以配黃梁  
庶無愧色明公甄陶萬類各得其宜履屐所存必盡其



用特遣進謁量材器使焉還山蟄寒不能卽侍謹繳唐  
拓本監其野詞新政宏謨尙希寶裔敬叩崇祺無任馳  
企

陶齋尙書使公節下傭還承賜尙未知夏侯消息西行  
不果積雨六旬豈又如會試蹭蹬耶君相造命何以處  
我復心觀察六親同運尙不能從梁節菴遊亦望公一  
振之也前求致書江督說劉世兄未知已否料理其餘  
當位置者無萬數皆無益新舊之人每一念之且歎且  
笑附上致竹石一畝及代索書啟一通乞便郵去外呈  
墨子一部係江報嫌價昂不利寒士者公當今閩人故

敢以獻專頌道安並詢按行萍醴何日覬得一迎候  
陶齋尙書使公節下天雨不止山人足魚長鋏免彈短  
轅遂柅遙瞻鈴閣不任欽遲新政平和舊人新喜屢聞  
美授或狀元有就熟之思耶隨丁周玉松來自江西不  
嫌小就斫薪挑水頗著勤勞雖非愛才口不言去近年  
長工皆不安其室爭謀戈什籤子之爲如此安貧亟宜  
獎勵用特達之節下乞加錄用其志在江湖兩督之差  
知公不久畱小地也昔田單師走卒而爲名臣願畱意  
焉

自別桓樓如有所失非獨感公款至亦以擺落塵俗開

拓心胸俗吏儒生不能拘限具此識力乃後可言設施  
間氣所鍾一見爲快想公亦照之也雖然今日疆臣供  
人指使而王瞿又無所指使規模雖闊實際難言況復  
五日京兆二品教官比之曾胡猶多不逮惟冀澄心養  
望察吏求賢毋遽遠謀以勞心力學生狂議度外置之  
無所用裁成誘掖此皆張公所自招耳范仲淹傳彼未  
嘗讀也在嘉魚奉上一詩計已達鑒官舫遲留五日始  
至長沙無名之費斯亦一事鄂中似此者無數泥沙鎔  
銖自古然乎雨窗奉謝敬頌台福無任企仰之至  
旬齋尚書節下長沙舍去先竟不謀躬涉鯨波亦旣勞

止兩江自公家物猶不及湖廣之熟輕徒令故民失所  
馮籍正深快望猥奉惠存不隔音容長得瞻禮慰問周  
至逮及豚犬甚爲欣感豈比兩麻命贊詩歌輒成二律  
別紙錄上殊愧荒蕪孟浩然淺率去官秦中遂無生趣  
升公封疆弟一乃不能容一狂生竊計兩司並無其比  
要當濶畧小節仍與周旋解鈴繫鈴在乎反手且勝之  
不武人才實難闔運輒妄欲上書勸以宏恕因未嘗覩  
面莫測可否公旣皆相交好當與調停察野人芹獻之  
非私知兩賢相戾之無謂十部從事豈有意乎三兒荒  
唐敢闕華屋公不依毓華之例而令從文石以游未知

能否謹慎以副培植闔運初無嚴教但懼詒羞訓之拒  
之則深感企今年復有牽率將復上衡弟十小女年已  
過笄尙無所適公門三千珠履有可平章否前託樊山  
心盒皆久未報禽尙五嶽坐此淹留時無人材亦其一  
也春來晴雨相間花事頗佳湘中人雖霽塵地猶清絕  
流連正樂惜公急去前命作天心閣詩去冬亦有二律  
並呈求鑒十日內由湘至衡復由衡返湘湘又至衡道  
中作書敬頌福安

陶齋宮保使公節下軒然大波林無靜柯頗思東游又  
畏炸藥聞文石上謁談讌定歡抱冰詩鐘無此高雅遙

望榮戟但有瞻依浩然將踵雅門前函求公平章儻得韓侯或因茲一會也又往年與公言鹽局當盡去夏程之流以便安插私人大彰公道文石之來實獲我心未及晤談爲公招去今有復心甥彭生前在敝縣混飯督銷更易求舅關說不說猶可說後被撤天理何在物論大譁茲令該生親至金陵請文石月委閩運不敢再說求公轉告以後閩運請託并求譚屬不准駁回以符前議如是則大芘寒士廣作福田楊度孫汶皆消散矣附呈新刻二種聊伴荒函盛暑南征期以半月還衡之後再得奉箋專頌道安不具

致樊藩臺

樊山仁兄先生台席卅年傾仰一旦披襟各放光明互相標榜人生此樂天下無雙七日九面已妨人妬翩然引去信其宜矣及至仙宮飛蓋灞上停驂黯然有離別之思忽爾生貪癡之戀金仙著於細軟泥絮逐夫春風誰之咎哉公所致也晚浴溫泉固嫌粉汗明馳渭驛似聽歌聲九日兼程遂投華館入山三日徧歷五峰西嶽之奇異於恒岱擬難巧似意不能該古無名篇今何敢作然韓畢告哀之處酈杜狀險之詞及至身經乃知過實此行上下絕不艱危午詒同行可以面問天移節候

地主之施玉盆未冰蓮花餘雪貂狐不御松檜猶春夜  
夜月明峰峰霧散恐大雪氣應陽和變寒日行五十還  
於客館然鐙始照遞簡已來發函跪誦嘉詞絡繹他所  
未論詩則無焉假以時日恐猶難副何則科舉廢故昔  
游祝融屈於鄧彌之曩論華詩唯推魏承貫默此碩果改名卅年  
攻苦祇成登岱一篇今日驚人欲出謝眺之上既難急  
就又恐過時加以大敵在前眾人拭目誠非薄拙所可  
自期惟以郡縣迫促官差倚馬輒寫和一詞並嶽詞一  
首聊以報命明日瞻望茫然午詒亦卽遄還面申鄙款  
相見甚易彌祝珍頤行筐紙窮不盡醜縷



樊山仁兄先生道席別情載路恩紀常新日日馳思駿  
駿歷序送猶如昨懷已經春還信之遲悟而自晒想矧  
謀同軌神御點金總握路權定勝師法他時通道卽得  
朝夕往來誠爲幸事然閫運私意總在土元一席使湘  
人振聵發聾耳王祭酒欲翻趙案學徒徑赴學部奏駁  
存古打草驚蛇使南皮亦自却步近日明見萬里者唯  
有此奏惜仍由外擬非出心裁秀才可以任天下事黨  
禍將起矣故亟望明公之一拯也閫運還山後刻成易  
說一部寫定拙詩十二卷上已送上三禮箋續當有獻  
譚文卿少子求借台署所存文兄任內手批案牘已令

邪牧面啟託闔運代陳想仁孝訓型必無不允仍希文  
案委員飭房檢卷或令程生照料尤感尤感衡湘大水  
幸未分秧雖不害田損失糧貨巨萬關中當得福蔭民  
庶安和學設專司未識何人分陝兩湖則梁張以外無  
稱此者矣鄙意不如起用康梁爲直截但無敢發此端  
者橫流橫議俱親見之公當閔其老窮耶新晴晨興輒  
書三紙承請福安

樊山仁兄先生節下去春寄到大詞循誦已熟秦雲數  
至每道相思未面傾襟洵爲佳話閒與叔兄屈指袁劉  
恨不移旆同城一振物恥非僅風流照耀異苔同岑而

已聞運拔昌五十年方轡時賢幸無尤悔近覲世變用  
倭亂學久欲上議自嫌名盛唐突三督搖撼二張何敢  
久旅南昌致違本意緣感虛禮聊復再游秋風漸涼歸  
與去矣升公兩疏朝陽鳴鳳得與同事非敝同年所敢  
汶也葆生將去憑寄一音敬謝垂念卽頌雙福唯鑒不  
具

樊山先生仁兄節下仲冬有人關之興意謂浴馬溫泉  
洗頭玉井升堂償世年來積思兼以接對升公觀其議  
論乃爲午詒所強舍官爲民行旅滯畱僅及歲暮到家  
承問快讀五詩雖實汗顏聊且自喜生平受褒譏多矣

公之許與蓋有特識而通氣類唯賢知賢卽公之自命可知也將以撝謙不其飾與請後無爲客詞直云莫逆可也叔兄復召當有大區畫豈欲侯羸我乎義不入都俟命於湘求密告之午詒送姑還里姑病小愈卽當有信至秦班春多福且將與狀元相見亦吾黨也賀賀

樊山仁兄先生節下四月半上一牋並夏公父子二函未得夏復昨聞叔兄薨逝理當唁問計公早已周卹兼指示諸孤早辦歸裝矣還途以由武関爲省便粗重少帶但嬌屬親丁不至過累還家鄉人自有料理乞轉告午詒兄弟爲幸公督路政想日勤勞盡力所能必不竭

蹶去今秦報有便寄我爲望湘撫不安其居未知何意  
水退旱成秋收不豐闔運於本月底還山當至長沙候  
夏旆謹書求飭送午詒一閱專此奉挽順頌台安

樊山先生道席錫良揭曉金鑠彌光旣不姑容遂同歸  
去長城自壞短垣共踰華陰囂然固其宜矣不俟終日  
回首渭濱當霸橋垂柳之時吟屈子持蘭之句誠不可  
以曠達處之也聞今年曾有復書並和拙什至今未見  
企望皇然時事可知不圖至此或歸與張禹共打詩鍾  
伊可懷也不可限也閩運樂極悲來兒女薶惱自去臘  
送竈後日坐愁城獨處塊然殆難堪忍加以窮乏得我

深山遠親日食萬錢一飯斗米世緣之苦今乃知之窮  
夫失居四方靡騁思公談燕更益馳神幸不與瞿袁爭  
權猶可冀江湘相見雖迹行止願早相聞午詒還里後  
遂無消息營莫想在四月午橋改夏不敢開通矣專肅  
奉問敬頌邸安無任瞻仰諸希鑒照

樊山仁兄先生道席前得書知四月出遊日夕企望至  
今不見過鄂想未戒行也因循半年徒隔書問耳正暑  
時復往桂陽送葬以此亦株守東洲惟日以看報爲樂  
報館認真我則游戲惜楊翠喜不美不足作詩郭寶生  
血戰沈衛當又費一章矣孝達乘間遂得叅知酬十年

企望之心亦宜有佳章作賀閩運有新詩四篇亟欲索  
和手錄呈鑒此間人人欲得公來一振聾發聵恐湘人  
無緣承事但得望見顏色以爲幸快何由出游若有新  
除便不自由矣午詒爲閩運拉一書院自代發明不要  
之義若相與有成亦一快也續當詳報手頌寓安  
致張署撫

筱船中丞太公祖節下聞任喜卽擬奉箋酬應稍餽致  
稽時日陸帥決計歸由次公荊棘尙煩調護想孚民洽  
吏必已周妥湘士蒙福私中尤慶也閩運抵洪兩月未  
展一籌比之葉胡誠爲多愧舊弁楊都司振清同來求

事此間愛少嫌老無所用之湘中驅使需人明公恢闊  
整飭令遣詣轅叩見尙希賞一優差雖無大用亦不愧  
陳劉耳專此恭叩榮喜敬頌鈞安唯鑒不莊

致朱道臺

惠之仁兄先生節下去年幸會旋聞蒞湘及奉訪已還  
旌矣膏捐之約未之敢忘次公未能總攬以待今日想  
主持全局經營四省必臻妥善以裕財蘇民幸甚閩運  
通家尹生文儒之子家貧養母苦無叔水資其家在秀  
山去彝陵爲近特介一函乞於局卡司事分委量予一  
席俾得就便餬口仍不廢書知與公嘉惠鄉後之心必



有合也閩運洪都小住酬對爲疲將俟秋涼仍歸故里  
倘看女至衡冀得相見專頌台安不具

致蔡郎中

與循老弟道席金玉其音忽聞警欬歡喜把玩暑氣得  
涼幸甚幸甚次山入典大農湘土稍有黑白所患王張  
憂國復作訐謨黃杜遷延其小者也閩運客游過夏已  
及瓜期還山收租其名甚美如白露前不至大熱仍當  
於山塘聯句矣彭孫直慙大作波瀾飄弩千金殊爲無  
味昨有翰林太守要述唐同作調人彼乃振振有詞決  
還速訟事非易了然以鄙人袒任則寃也看功兒書不

恤冤其父老弟或不枉其親耶清官難斷而遇一米湯  
太史議廢科舉有由矣因彭復書敬頌近好

致唐知府

稚雲六哥同年親家養席章門促見雖快猶忙未得攀  
舫乃蒙賜簡循誦喜慰又復悵然世事全非相看俱老  
百里睽隔豈但舊歡秋炎久暘鄰封暫警賢子經畫訓  
政亦勞還山之期知尙未定闔運於昨月杪辭出公館  
暫寓許河帥故宅以俟涼秋八月水平便當遄返危局  
多變鄉里難安如兄必更有奏咨借重之時弟亦仍當  
奔逐殊非高隱人不遇暫遯耳史繩之得薦又爲張狀

元所訾苦海流轉何能有定疆飯含飴暇輒西笑爲幸  
爲企

致胡吏部

漱唐仁兄翰林台席奉別九歲靡日不思去歲到貴州  
詢都人士罕有知蹤跡者夏間得手書尉問殷勤兼聞  
閱議洋洋幾千言而未及近況後問伯嚴亦不知其詳  
及議鐵路朝士連名僅列大銜初無可否香元大老宜  
更不通消息矣大隱金門斯爲長策敬佩敬佩閭運避  
地烝上遂及一紀欲去不可乃逢夏聘借此蟬蛻具呈  
督撫請罷學堂次山笨人不達時務憚於代奏懼其忤

時旋謁學使柯君許爲附達及後未奉詔飭知又隱沈  
旣兩院同心老生何容瀆諫然總教不可爲義彰彰矣  
以夏中丞特派大員來迎禮宜荅謝躬往卻聘三月遄  
歸到卽暑假僅講禮記六篇堂中人士初無習氣欣然  
相得亦可有成然以名義不符故無畱理夏公約堅不  
師而友旋又一往遂值遷移臘底到家坐雨到夏世事  
遷變一無所聞日俄最凶亦未肆毒仁兄近在輦下當  
有所知臺省諸公仍復安否次山度遼尙講學乎做州  
浮動十年亦成見慣抵掌捥腕者富貴無階風氣稍向  
靜矣曹中依然印結無須入館二張近作何想香濤已

成強弩得鐵郎一褰不負苦心足矣清暇時有吟咏無  
吝玉音答箋稽遲寸心常結手此奉問起居

復莊臬臺

心盒先生大公祖節下前聞旌旆晉省卽遣信歡迎頃  
得賜書似未達鑒伏承鳴珂還里攬轡澄湘新被塵囂  
重披雲霧甚爲欣仰豈僅老民督府頌文猥蒙援簡禮  
宜恭命無可飾詞但恭祝吉詞體當端謹張文喜繁富  
下筆千言闔運獺祭已疲錦割都盡不能駢四麗六對  
白妃青曩者吳公好奇猶可僞摹揚馬若論博麗久不  
如人城中皮麓雲葉煥彬皆穢穢多文請以自代明公

新從鄂過必見張公若屬意徵文則有李序爲式如或  
志存經國意薄雕蟲取備充庭不計工拙尤不足煩公  
慮耳閭運因游九疑遂遭水厄東洲滌蕩精舍傾頽譚  
兵備議改學章又干部駁經費無出師範難優已徹皋  
比無勞熊掌中秋詣府暢敘離懷緣奉教言先此肅敬  
中丞尙未謁見乞轉達鄙忱湖北湘吏前議公祝督壽  
來索鄙製亦已謹辭張頌李文竟未寓目新學家方廢  
詞章或不能不隨時也如張指索鄙文則往役義矣未  
伏風燥伏維安善自臣不勝頌禱

心盦使君世先生節下奉違忽已四月惟日以未預談

寔爲念時和序清可以小休整飭官方是今要政警學  
新軍抑其末也湘吏久頑願以剛介振之雅度含容下  
不知惠且自有能之者前求拂拭何鏡海之孫何緯因  
城中唯節下尙知鏡海餘皆不足語此女壻常國篤名  
條想尙在公筆筒中乞交袁公此君初來不似王石卿  
應接不暇也閩運因船山欲收學費無益取謫仍來主  
持俟秋初或可上府一傾積思近日搖鈴演說備諸醜  
態雖不效不免勞神政暇唯高曠自臣爲頌

致鑛局協辦

孫咳仁兄先生道席昨使來適有稀客未能作答來札

甚謙意甚厚惜引喻失議耳豚肩之賜以擬換羊書蘇  
黃年輩略相當奈何欲拜門乎茭菹秋蔬比韭花之佐  
肥矧恨拙筆不及楊少師然皆詩料也弟詩不苟作酬  
方家尤難興到會有報與壽酒皆遵命展至九十月唐  
侯當不作裕公也廿四日有郡館之要會當相見日內  
童僕盡出竟不能出游此簡命船夫走送用違其才亦  
當賦舟人之子耶

送炭船來奉手教洋洋乎洋洋焉知王介甫之非以去  
要君爲鬼怪輩害事也功成身退自然之道龜山蔽之  
斧柯奈何午後兵備來談言及唐劉佩服之誠方以不



得大用爲恨公論自在私意將不得申閭運亦隨風轉  
舵又附于在井言井之例知去就理多端也且如公去  
則明年送炭又靠何人然則爲國求賢公私兩利孰若  
附和一人徒增林下一詩酒朋乎恐公以買炭虧空爲  
名輒送卅六元交五世兄以清前款黃色人不肯杜後  
患糧課又來日內正與聖賢相對此百五十石消得著  
也涼秋始還其期甚遙張制軍有巡江之議進退維谷  
竊恐公亦拜巡井之命則奪我鳳池而仍棲枳棘又洋  
人所不料耳專復申謝卽頌近福不具

蓀咳仁兄道席自六月以來奔走歷遑昨長君見過亦

未相遇正欲憑船寄書一報新事適從兒女處展轉寄  
到二月間所賜手函竝政和三詩律法彌細笠雲二篇  
則當家合作厭倒廖王信乎詩各有宜不待調查也游  
記檢原稿未得輒錄五言一篇爲裝冊之備以了前稿  
閻運因船山書院命終特來料理後事山川赫怒一夕  
蕩沒無存彭雪琴六萬金之工僅存泥沙天廢不興于  
茲微信鄙人遇災不懼後天奉時暫避城中俟九疑還  
舟仍歸山塘避暑昨過清泉學舍垣牆盡圯水亭傾倒  
昔年觴詠地遂成泥坑亦不待裁教官改學司費青年  
英雄立憲也端撫一來湖南全省化爲異族昔與郭筠

仙論王文韶不能亡湘今端方竟能變湘弟之無能如此亦何顏更設皋比再列小腳唯有拜受康子之藥飽啖陽虎之豚以卒餘年而已表弟蔡溶春年老病盲還湘學稼薄田十畝子女八口不足自存閭運外家祇此一人賡堂先生之族零落如此方今疏通翰林之日仁兄尤念鄉黨未識升局有三數金間差令執鞭守門否若可位置比李次兒或較勝也來此兩月專待道州船便行雨既不止水又復漲上瀧升天未識何日然意興未減眠食愈安知起居益健以爲至喜

孫咳仁兄先生道席得惠書恩恩未復間關到南昌已

聞湘報子龍去而士龍來極天下平庸之選學堂瓦解  
朱唐失望王劉欣然復有生機梁煥奎不待手誅胡子  
靖自然纏足真足以推倒豪傑開拓心胸也銀沙坐擁  
以聽浮沈不必私憂唯堪一笑應與鄙人同師漆園家  
摩詰詩云一生幾許傷心事不向空門何處銷鬱輪袍  
凝碧池一時涅槃城中冷熱人誰能解此閨運每於此  
參悟尤願與知我其之求差辭差俱爲多事官中堂云  
混而已矣伯嚴昨來此一見夢猶未醒建議七十五縣  
縣派兩生投倭以賓興經費供給老夫日笑存之昔黎  
樾喬見程晴峰陳說軍務程云四哥高見長沙圍城眾

箋啟七

紳士同見欽差議大事既去或問何人何計羅蘇溪曰  
如麻雀嘴喳喳我並沒有聽他今以此法對三萬萬九  
千九百九十九人亦紅頂心傳也初到日對百客何足  
爲勞因感遷移急書鄙見如有新事仍當續聞敬頌道  
安無任馳企唯珍衛開通爲幸

孫咳仁兄先生道席七夕前得手書快若對面官士傳  
觀勝報紙之開通也子龍又投本初不知擇主豈天時  
所會非人力與升局學堂以時鼓動得如吾兩人者鎮  
之居然頑固矣客不可久非若升局自隨已於前月底  
辭館退居待水而西渡澧還湘踐珠泉之約然有急事

不能刻待者平江李世兄之館次山許以幫辦老兄又以金諾乃係稽查何其輕當世士耶如次青者猶將十世館之況其諸子而今側陋想公明恕必不以後劼剛一座鑛等千戶侯願無印剋而不忍與耳專此仰干順頌道福展重陽當遇我于藩牆惟照不盡

蓀咳仁兄道席千里遯歸踐珠泉之約乃主人先去又聞凍腳如杜子美雪陰積冷余亦閉門俟晴時出游不復作鄉里周旋矣我不負君猶可券乎以待來年是所願也梁新學赴官蔣漢隆侯缺貴局有文案襄辦各一席襄辦試與撫部爲胡子瑞求之文案則有族孫名燾

字穀平解元之子曾任舍監乞與當道一言俾全從學  
或公肯專政則尤佳也新入城想多新事總之不離笑  
話山中無一聞見又苦泥塗園菜盡蕹終日食肉容俟  
出月始能上省先此奉託卽頌道祺不具

蓀咳仁兄先生道席珠泉放筒屢遷期會山中銷夏暑  
氣全消舊居林密定勝新村乃自入火城輸我羲皇一  
席中元日近想又還山矣八月十五看月或可同也端  
去恩恩不督爲恨前五月相見已知其茶飯無心未料  
其遂從小兒乘桴也新使例請迴避此除或又是一計  
其人庸俗有餘亦士龍之流揣摩無益仁兄擁巨貲而

坐觀成敗所謂振衣千仞岡權力過於倭人何混之有  
蔣少穆頗爲郴人所訾將有京控此公有官不做有錢  
不畱而僕僕風塵當佐襍市僧之差殊不可解弟以其  
爲亡友李申夫之知己因友及友頗欲進規無緣相值  
台端儻亦引爲同黨乞將此書示之否則作爲背後鬼  
話也聞學堂復變動何吾鄉無福至此東南宜廢學西  
北宜興學聖人復起必從吾言樊雲門文采可觀行事  
亦辣慕天貺之所爲而心地未副得公賞鑒南北增光  
然直道難行眾人皆醉有轉移于樞機者又有轉移樞  
機者總之見公銀沙則束手歸命十樊藩何能爲闔運



箋啟七

求圖書館不得更何敢望俞生但銀沙不能轉移我則  
差堪自信暫時課孫訓女以遣長日秋涼當一出發舒  
手復頌安無任馳企

蓀咳仁兄道席去冬面許光臨新年掃榻每逢晴日企  
望清塵魚翅早煨舒鳬待刃及今踰月知己趨公雖不  
比魏其之失望武安亦如馮星槎之欽遲憲帥蓬門減  
色雲峰笑人春風摧花巾車將駕相逢又在夏秋矣去  
歲所假官票未及揮霍而陝藩寄到殷官之數陝撫卽  
墨今又詒我周星一時地上錢流遂不遑取用所餘五  
十二兩謹遣送還餘半斤未補以示真率有敝同年趙

梅卿之孫家道小康欲嘗局味弟不干當道如有驅使處幸傳見察用重宴鹿鳴人於勝誼未敢忘不以停科改意也

孫咳老兄道席山塘簡率加有病人接待荒疏恕其倉猝旋因衡學將散議取膳資不忍十年之功廢於一旦由陸奔命庠內尙局仍復折還幸小女已有起色又復到館于佛生日開學打鼓上堂宗風復振望八年之漏盡不休誠可哂也夏叔公于六月朔下葬三世交情當一臨穴坐此淹滯讓公與黃小魯周旋詩句畫圖不遺在遠屢讀來章惟有欣企山中消夏亦足傲余欲罷不能

則恐同病耳。潭猛係岑所嫉，因敗爲榮。又出一梁鼎芬，非安都之比也。辱承謬獎，惟祝保晚節耳。大世兄頃有書問，亦以發財爲恥，志趣高遠，具見淵源。匡廬未苦，九疑猶綬臣之不及。閩運倘于夏至後一訪舊遊，便于夏杪上永一月聯鑣，不更快乎？九疑一行，非百金不辦。幸有學費無取，卅金聊報滬東亦壯行也。書此奉約，卽候潭福。惟鑑，炤不備。

孫咳老兄先生道席前奉書，聞已還山，且將高卧，不出能否如願，非所料也。譚芝公近因兩司來詢役田，甚不高興。役田本起自曾監督成于王桐軒，初言十萬金可

立致乃得二萬元耳曾委員王師爺放散亦云萬金則

又祁陽地棍土倡分之而曾王不過過交李馥先生

此張

亨嘉尊稱之詞

亦思染指不得乃歛費京控不意止成咨案例

不問也今委員提王范曾范在省謀委署想已投到范雖鄙人此事無干曾已遠颺王則現在但臬台明照此案殊不必認真慶振事尙可陰消何必掃道台之臉如其欲澈底澄清化咨爲奏徒興大獄無益民生公與潭公舊僚新好乞以鄙意探之廉訪付之照例而已又彭剛直巡捕章家有一錢債細故闖運于前月函託沈士登明府調停早結想已訊明今其家又專人云信並未到

或係左子重之流匿不以達

毀洪橋不折封左子重折看而匿之故不言付洪橋

亦求特往一問又譚心蘭學正係做縣通儒有春秋日月表禹貢正義皆閩運所契合今其子不能自存曾與張雨珊言之雨珊向不攬事居然慨允以爲應極力照拂天不成美旋即喪病方今首府岳常釐局皆可位置求轉告莊廉使一吹噓之或能于貴局委用更佳亦國粹也閩運重到東洲新與世兄聯絡月底將往水口山看鑛從此爲公小友羣紀之交特科年伯有抵制矣大芙大芙四月極熱五月極涼是善化歸田之祥近有新聞匪夷所思然實意中事耳適將上堂不得多及專頌

道安不具

箋啟七

五

湘綺樓箋啟卷第七終

湘綺樓箋啟卷第八

長沙湘潭王闓運字壬父著

致夏巡撫

菽軒仁兄大人節下奉別又將十年時聞佳報均疏賀簡伏想因宜施政卽事多欣爲頌爲慰賢子一疏幾於奪官闓運因此大爲孝達所憾雖絕交已早而彼怨方長然經此大創遂無公議得賢子爲鳴鳳使他日考國史者知當時尙有一人萬古丹青以衰年謬附不朽誤中之誤竊自幸也隆兵備疲老龍鐘得依樂國一切安置務乞加意從優旗習不知理家多屬股削闓運實愛



莫能助不審能飭紀綱定一常額俾得量入爲出否其所存僅了日食若爲之開源尙不若爲之節流也到城恩恩餘俟續布敬頌台安不宣

菽軒仁兄先生侍郎節下前歲寄書後以賢子時有寄譏動定輒相聞知謀國涖官皆宏偉略不以封疆爲限誠副傾企之懷欣胡丁之得朋也在衡州微聞貴州人言將詢及蒟蕘方深屏營八月底因趙次公相約入城道逢軒車疑是來使遣問果然特派大員致其幣聘展讀手教謙抑彌光雖文侯之於子方畱侯之訪綺季無以加也滄海橫流有此雅度已度越岑張矣改學之說

閩運久欲建言曾與孝達面陳堃秋書諷又上箋俞撫  
皆不諒區區秋間湘省沸騰擬呈請奏又聞慈聖意在  
停止嫌欲尸名茲承奏允已於九月三日具呈督撫求  
爲代達並與書次公條陳建學之宜鈔稿呈覽如以爲  
可自無須延師或宅安學使到時會商整飭爲善至於  
私情談宴江湘接連訪戴之舟無勞具楫聘金路費皆  
不敢承恐湘兄不肯收回俟見時再爲面繳閩運暫還  
船山固守本學陳復心次兒已奉左全孝指揮撤我皋  
比矣誠可閔笑也

菽軒仁兄侍郎道席青門重謁渥荷恩私綉領停驂復

承遠送到家後卽聞偶發舊疴旋加常膳子婦並會侍  
奉萬安修候稍遲實緣塵冗惟鑒爲幸豫章奇變達官  
均罪知公福厚事外脩然圍運還山息機又爲衡吏士  
所邀勒令改船山學務分設四科天意有違平地湧水  
牆壁盡圯遂成泥坑幸先已具舟暫避程塾諸女來觀  
且須從容端節後仍歸敝莊避暑若免荒旱或可安居  
此次水災連及三郡損失巨萬足償私款新議方建立  
學司多門煩費非狂非愚圖小利耳不值旁觀一哂也  
杜曲春深必多間適隨宜珍攝無任欽遲

菽軒先生侍郎節下車騎見過告以傳道依違不能任

事之意比言如此處置人情不安未盡委曲敢申其說  
學舍濕漏將於暑假內因暇補修適有生蕭鶴祥在彼  
借廨屬令勘估據稱牆斜柱朽恐致傾覆親往履視東  
院有空屋三進曾無居人因令郭統軍營中湖南匠人  
丈量得地寬八丈長一十二丈可造齋舍四重廿間包  
工造成每間卅千用錢六百千比前補修估工三百千  
僅補罅漏爲費倍工百於計爲得小小興修既不煩委  
員卽不必關會總辦提調傳道任守皆不與聞以傳道  
來往親密偶知此說耳十三日圻去舊屋郭道主用營  
勇曾經詣轅稟聞十四日圻除用廿餘工至夜郭道言

有畱名臣祠不圯之說訪問其故云出自傳言卽告以修祠不比毀祠仍照原議十五日辰刻得南昌沈守來函云名臣祠宜少畱餘地且有遷主洪都之館之請深爲駭愕以爲謗議沸騰矣卽復書告以一切照舊卽刻停工初不謂節下又以爲停工非是也此事始末無關傳道更無關郭道今傳道以依違見責郭道必以干預爲嫌無故生波咎皆在我疇昔之夜談讌款恰瞬息之際遂啓猜疑非所以安遠人且非所以示闊畧伏願收回札諭仍飭任事如前不勝惶悚特此啟聞或與僚吏議其是否敬頌台安

致陳道台

復心世姻弟無恙聞坐困武昌屏息待雷王志不熟以致此苦欲出主意非所能用詩曰每有良朋烝也無戎天下大患莫過于諱其失志而高言無悶逡巡歲月如坐針氈南皮卽其人也尤而效之何哉請假桂陽庶一計乎宋芸子斷腸人對斷腸人坐看張彪汪守之遐騫伊可懷也其書引弟爲證故請轉致又江西土捐由尊贊成張督同任有咨贛撫文若待屬吏叔公平心駁之乃就範圍其詰宜昌設員粵關過境如何分別

爲銷某省故不必委員

究竟作何登荅抑以閣煞爲繳

張言不知所運旗人凡不荅者曰擱

殺想知就裏其家方撰行狀思以抗張爲能尙希速復  
土局有查若見元辯請以捐官太大告之益慰其被劾余  
前有書云一掛彈章便成豪貴望風逃聽指日高陞可  
以移贈也因便附聞順頌邸吉

陳知縣

曉江仁兄大守執事庚年快晤還荷隆儀百金之昇山  
行安穩甫至清復紛傳寇警九州紛擾萬乘播遷求穴  
靡容閉門屏息遂不遑函謝竟似前生昨除夕書來茫  
然莫憶自檢日記乃憶大名又讀尊著角山六言詩撫  
時感愧老年忘事旣悟恍然恩紀加親歡游如夢此又

一好詩料也黃綬屢遷公私多慶海濱毀軫風物清嘉  
撫揖餘閒新年增福幸甚幸甚闔運入山養靜晚景頗  
佳于世無求虛承厚贈阿膠珍藥卽分諸女朱提精鑑  
本擬附還緣前荷贈貽尙未申謝殷拳想念誼倍千金  
不復區分輒收全禮大集展讀兩過并序交情不敢贊  
揚想契尊旨故鄉安靜稍爲趙端所擾尙未至於搜括  
學堂亦漸安分公費無出行當自廢拙著始編次付梓  
春抄或可刷印再行呈正先此奉謝敬頌多福不具  
致宋道台

芸子仁弟無恙近歲老嬾於朋好多不復書屢承牋問



惟一一作復由郵局遞南昌頃得來訊似未達覽其爲功  
見所誤投無疑非郵局過也然一函百金乃竟浮沈是  
遺子滿簾尙不若一部從事此後惟憑局足耳論學則  
苦心精義可感可泣語曰誰爲爲之孰令聽之時無子  
蘭狗監其人屈馬之文猶無知者況文心耶前後論撰  
皆實覈雅言學亦大進強聒而不舍墨道也非莊旨也  
鄂渚重游語言無謂青油幙看人面未若鴉片燈前讀  
我書式微式微仍以盛宣懷腳下盤旋爲善不必作學  
使丞叅之想聊啓軒渠賢子長成近作得業元辨被彈  
作何覆奏相見爲道悒記未別作書今年重到東洲與

吾賢重作候補同所謂應付之學

致程知府

戟傳世弟權席山莊避暑正與陳郎談弟音信太疏適  
得來函及輒裘樊集之寄忻然相視因覽近作喜文字  
未廢暇日仍多甚慙甚慙樊山屢誇弟於吾知爲出色  
人物復承薦士益喜畱心世事茫茫得寬閒自處不必  
計功過也去年曾得來書未及作答春間謂必入陝乃  
有波折秋涼水清當由武關至潼償三次游華之願爾  
時未必遷代將包關瞞稅耳墨子已刻今致兩部以一  
致毓觀察樊公俟面送也酷熱五十日來詩未暇評點

亦俟面還湘中學務時冷時熱蕭生失館欲纂船山也弒  
假名纂耳晉侯先弟宜以稽查羈縻之無使作張元爲  
殺申生故爲商臣噉新涼想寓館清娛爲頌

與陳巡檢

芳畹老弟無恙幸甚去歲得書卽欲從廖大令處匯花  
邊拾貳元交弟應用因恐廖不要還似乎把勢將交信  
局又可惜匯水其後孫女湘霞病故十女病重淹纏三  
月乃愈衡州書院要倒閉急忙來弄錢遂過半年並不  
暇問老弟蹤迹矣昨得來書又無日月所說尙似正二  
月間時事山中方七日世上已千年真前世事也兄彼

船多攬載輕諾寡信人來託事者曰不暇給荅應並不可靠不知誤幾多事矣行蹤無定時東時西非緊急並無回信如弟遠隔一混數月旋即忘之非紫起眉毛不得料理銀錢又不在身邊身邊有無一文之時故難應點也今託便寄上前數衡州大布有無數種長者四五丈短者二三丈皆係白布不可要也寄兩元代之共十四元營盤街信不得到寄信當寄湘潭十八總杉灣雲湖馬頭公船上不能代出酒錢

與程郎

叔揆世講姻九弟侍福前聞尊公當到長沙畱待數日

未至今想已還家欲求代買各種交來丁帶回恐尙在省故託轉稟自厥家譜一部奉贈前取尙書爾雅版片云須厥印未付今可檢付來手周易已否加工詩經業已排印成書出月當由江西寄來矣縣考定高列府考何時並問令弟均好

叔揆姻世講九弟侍福前函致尊公索易經想已寄來矣茲又付上一封面二詩本請發刻匠爲要尹和伯云湘東岸有一大地穴在田中正對南岳請派人打聽何人田地定要買成如係親友家田則請以田易田請卽問明同一的信陳入要借錢係在潭做來往卽可隔遠

六小姐不借我此時無錢也

致曹叅議

東瀛仁弟台席前歲過豫迫歲暮不欲更游旋聞琴從  
不畱賢子東邁所期如夢爲之愴然旣而高步華京遂  
叅卿貳杏林有望手版全拋才欲寄書旋承來訊殷殷  
之誼久遠彌親甚善甚慰長沙近爲利藪自愛之士不  
欲入城老嬾喜游蹙蹙靡騁去歲一至九疑迫暑未得  
登陟今擬更往因船山改學教習入都越俎代庖遂攝  
三講俟夏午詒葬畢到館才能放學新刻詩箋寄承覽  
讀聊報松山入經箋注此爲差密日本學者但欲廣藏

非能鑒別故不託寄也首夏濕蒸遙羨清曠惟珍重相  
念

致朱藩台

菊尊世八兄方伯節下前聞特授旋慶榮遷時局益乖  
周旋不易想長材毅畧必不隨俗轉移然積弱之餘動  
輒得咎剛柔之妙運在一心無隕修名是所祝也佃童  
劉南亭亦君鄉里久從坐營殊無出身曾薦與夏端兩  
撫未幾輒罷母老無子心獨憐之用特專畱遣投樾蔭  
江南地大物博關道取多用宏或令典船或充哨長使  
歲得潤庶副鄙懷又貴同年左幹青欲求繼蓮兄一優

差弟久不通信乞面致鄙意酌與提拔并希無吝吹枯  
甚感甚幸專頌任喜不盡

致任知縣

績臣仁兄明府台席重游東洲遂遭大水聞敝縣被浸  
尤久躬親拯卹民說無疆頃年沈明府勤於救災至今  
頌聲洋溢劬勞倍至必軼前稱雖暫煩憂造福亦溥惟  
未能贊助以爲深歉衡府積米不多兄所深照程旣樵  
兄有備荒屯禾九倉在易俗河昨遣運被本地阻境已  
由譚兵備電請撫台札照冰案照護運衡倉粟亦先發  
驗誠恐阻米人不由分說堅持遏糶特屬閭運加函奉



託務希派差卽日起運竝加護照飭役押送出境早到  
一日早受一日仁賜再有懇者本地穀米仍宜流通若  
似近日鄉間龍斷津要不許舟船來往則荒象立成殊  
非地方之幸此又望公主持調劑普協羣情或亦仁政  
之一助也閩運以船爲家喜無損失山莊亦未被水但  
分秧時過穀價恐日昂耳專此代達敬頌盡安不具  
致秦提督

子質仁世二兄恭政節下夏間得手書具承存記前聞  
統軍挂管凱歸請覲或云備兵瓊島爲人所擠意雅尙  
必有違俗之嗟幹才又無投閒之理隨時升沈與世委

蛇亦宦游之一樂還山殆不如也局中可知優游爲善此時無所謂自見也閩運前尙有子和處撥用五十金未還以在家日夕無暇及此茲承寄贈卽謹拜領仍交令弟子剛歸入家用示君兄弟同財之義眷念故交之情手書爲謝卽頌近佳不具

子質司使世仁兄節下去歲聞特命專閩卽欲躬至萍瀘藉觀調度緣家人疾病因循度歲旋聞衣錦覲親信宿遄返袁臨案堵省政覃敷瞻望柏台無任馳企洪都完善官吏習深自吳文節莫能振之都憲仰成滄公協力非大整理豈云善職遙聆輿頌但詠繡衣同縣婁秀

才光曜昨來訴窮云在頌領曾荷夏苾江西官報書局  
電鹽諸處監司例安插三數人婁生詩文斐然不宜飢  
餓用特函告乞畱一席俾得安硯吾鄉文人不多吳少  
芝甫得一館雨珊中風懼無主者劉詩人屈在釐棚猶  
費九牛之力維持國粹獨力難勝願達者之畱意也內  
姪孫蔡仲荃其父子賡曾邀接納今在屬縣小館如失  
路來見亦乞吹噓黃宅安不見一人閭運日接百士孰  
是孰非江西想有公論也春寒連月伏惟宣衛協和爲  
幸

校正湘綺樓箋啟誤字

聊代萱蘇 代誤待

一卷

一頁

有奇石 奇誤寄

三頁

無煩遠厖 厖誤厖

十六頁

知文人之非遠器而不知辯士之非遠模 脫不知五字  
衍辯字二字

二十三頁

酒脯米燭人事人誤入

二十七頁

必誤解人事人誤入

二十八頁

响濡之思 响誤响

三十三頁

大似蓬沖 蓬誤林

二卷 十四頁

以便續製

續誤續

三卷

一頁

今乃知斯言

知誤爲

五頁

容當續寄

衍尙字

十頁

以報其大集

報誤振

二十四頁

幸甚羨甚

衍幸字脫甚字

二十八頁

又損郇厨

郇厨誤彩票

二十八頁

遙瞻清塵

塵誤塵

五卷

十七頁

亦建連甍

甍誤夢

二十七頁

敬敬春福

敬誤敬

二十七頁

智者能昭

昭誤招

二十九頁

使先評其曲直先誤光

三十二頁

隆儀稠疊儀誤議

三十四頁

益少益昂昂誤昂

三十七頁

當分吾盤飧當分誤能食

六卷 一頁

二紀之間之誤二

六頁

卽稱雅正稱誤不

十三頁

致馬生此條舛漏太多

十三頁

又損郇厨郇厨誤彩票

十五頁

初約五朝前朝誤中

二十六頁

不知其幾千萬幾誤千

三十三頁

用度浩繁靠賣文爲活相如取酒一賦百金久出筆  
單而令叔以瘦鴨換之故爲難也旣承居間今送上  
序言一首風雲雷雨義無所私不負諾責亦吾賢所  
宜知也

湘綺先生十一經皆有注廿二史皆有贊周秦諸子亦各有校釋取精用宏故能經學精深直契心源獨開生面高出先儒之上史學直當雁行班馬詞章閎博奄有漢魏晉唐大家之長豈惟吾鄉耆宿實當代之山斗也先生躬萬夫之稟讀書輒過目不忘神識過人非偶然矣乃余親炙門牆因具悉其學力苦尤爲殊絕又豈專恃天事以勝人者卓爾有立欲從末由竊於先生之書歎觀止焉經子諸注詩文各集及湘軍志久矣風行海內外區區尺牘豈足以見先生然先生之文如白雲在天舒卷自如頃刻萬變又如黃河九曲一曲千里波



瀾愈大豎一義石破天驚擲一詞海涵地負卽尺牘中  
未嘗不可見其淵博闊富其文不拘一格無美不備大  
之有關於經世之閎謨小之有益於詞人之藻采精之  
足以爲儒林之津逮粗之亦足以爲世俗之鍼砭涉筆  
成趣自見化工先生眞雄於文者也末學何能仰贊右  
詞輒出所藏以付梓人公諸同好云爾計箋啟八卷又  
文集八卷詩集十四卷合爲全集三十卷

光緒丁未冬月第子杏園敬跋